

d paruū. Prior Modus, quo nomine ipsa diapason uocat, Dorius est, harmonicōsmēdiatus in a paruo, primus nunc uulgo habet, omnium Modorū celeberrimus, à Luciano *σεμνός*, id est, seuerus, ab Apuleio bellicosus, ab alijs prudentiæ largitor, castitatis effector (ita enim illi loquunt) dictus. Quidam adhuc elegantius scilicet, cum morose ac curialiter procedere aiunt. Hinc Plato in Lachete Virum de uirtute ac sapientia dignē, ac ut uirum decet, differentem, cuius sermo operibus non dissonat, *ἀγαθὸς* loqui putat, non *ἴσος*. Sed neq̃ *ὑπερῖος*, neq̃ *ὑποῖος*. Solam enim doricam Harmoniam esse græcam. Quid si mihi concedatur rudi iudicio de hoc atq̃ precedenti pronunciare Modis, breuibus me absoluiam. Aio utrunq̃ Modum uideri mihi populi mores, unde nomina sumpsere, pulchre referre. Athenienses sanē Iones fuēre: Lacedæmonij Dore: illi tamen si iucunditatis amatores, ac eloquentiæ studiosi, leues tamen semper habiti sunt. Lacedæmonij uero bello clari, militari disciplina ac seueris Licurgi legibus constricti, tetricos mores à maioribus acceptos diutius seruauerunt. Ita hi Modi habent. Ioniscus in totum saltationibus addictus, suauitatis ac iucunditatis multū habet, seueritatis propē nihil. Dorius contra Maiestatem quandam ac grauitatem præfert, quam admirari facilius sit, quam explicare. Heroicis carminibus aptissimus, qđ ipse olim iuuenis corā Maxæmyliano inclito Cæsare expertus sum Agrippinē in præsentia multorum principum, non absq̃ meriti lauri (absit uerbo inuidia) præmio. Finalis huius certe Modiclauius est D. quæ & hypodori, Mediatio autem ut iam diximus in a paruo. Præterea huic modo peculiare est supra diapason semiditono exultare cum magna hercle gratia, quod præter Symphonetarum usum in uulgatis etiam linguæ Celticæ cantionibus uidemus. Sed hoc Aeolius quoq̃ habet & nonnunquā Hypodorius, ut libro sequente exemplis declarabitur. Cuius quoniam notissimus est, unicum duntaxat ac planum exemplum ponamus, nempe Diuæ Virginis salutationem à tota decātatam ecclesia. Authorem eius ferunt Hermannum Contractum comitem à Veringen cuius mentionem faciemus in sequentibus. Quāq̃ in ea cantione quidā

descensum hypodori faciant in gementes, Alij in *IESVM*, ut mixtus uideri queat duorum Modorū Dorij ac Hypodori cantus. At nos eum nō probamus, sed simpliciter Dorij Modi formulā exequemur, ac breuius qđem illud, quam ulla decantet ecclesia.

Diua

Diuæ Virginis salutatio

ad Dorium.

S Al ue Regi na misericor di æ. Vi ta dul ce
do, & spes nostra sal ue, Ad te clamamus exules fi li i E
uæ Ad te suspi ramus gemētes et flētes in hac lachrimarum ual
le, E ia ergo aduoca ta nostra illos tuos miseri cor des o cu
los ad nos conuer te, Et *IESVM* benedictū fructū uētris tu i
nobis post hoc ex i lium o sten de, O clemens O pia O
dul cis Mari a.

Quod autem superius de Aeolio diximus Modo, maximam eum cū Dorio habere conuenientiam, adeo uerum etiam in hac cantione apparet, in uerbis inquam, misericordes, & nobis. Quidam etiam plura in his deprauant, ita ut rarum Dorij cantum inuenias, quem non alicubi per synemmenon tetrachordum in Aeolium flectāt, quod si iudicio fiat, non improbo. At si ignauia ac libidine omnia confundendi ac immutandi, non poterit ea res cuiquam cordato placere. Sed ualeat hic error cum cæteris. Nunc ad alterum huius speciei Modum.

De Hypo